

道門科範大全集卷之八十六八十七 甲三

廣成先生杜光庭刪

靈寶崇神大醮儀

自然行道

法事陞壇如式

各禮師存念如法

宣衛靈呪

五星高耀 瑞氣飛浮 元始集神 天地交周
玉符寶印 彌命微幽 擲火揚威 奸凶無留
萬魔振伏 紛葩却消 摧怪滅惡 道炁周流
神光照夜 陰翳俱收 萬神降格 扇景乘颺
羣生成遂 惠徧神州 與道合真

鳴法鼓二十四通

發鑼

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官合三十六人出者嚴裝顯
服冠帶垂纓開啓玄壇土地方域神真臣今
靜夜行道謹奏為宣意其諸情悃已錄告聞

願得太上十方至真道炁靈寶瑞光下降流
入臣身中令臣所啓速達徑御
太上無極大道
昊天金闕玉皇上帝御前

請稱法位

具位臣某等謹虔誠上啓

三清上帝十極高真日帝月皇南宸北斗三
官五帝四聖真仙演教傳經歷代師真聖衆
鄧都嶽瀆靈府洞天水國雷司城隍溫部當
境廟社應感一切衆真咸望洪慈洞照丹懇
臣聞大而化之謂之聖聖能充塞於兩間感
而遂通謂之神神能通變於四海本上穹之
星曜作下土之威靈代天而主制山川察民
而虧盈禍福善之極者則臻其福善病之深
者則肆以災疢儼然無黨以無偏必可以正
而以直天以神而繩愆糾繆人以神而降鑿
儲祥神人既有於相依天道必能於監照德
斯孚佑恩豈忘忘離主其幸處人倫切依神
庇嘗奉犧牲之祭恐未盡於嚴恭敢陳瀾潔
之修庶獲伸於昭報諷瓊篇之隱韻歌碧落

之洞章欽仰元慈用延景貺其職當宣化志
在佐時務積行以修功期拯民而濟物凡有
陳露敢不上聞具有詞誠謹當宣奏

宣詞

諦詳詞語灼見至誠非沖科何以感神道之
瞻拜非道範何以增尊神之威福是用輒憑
道侶恭演仙科冀回有裕之天慈重益無邊
之神力臣聞君不自治付守令以主民天本
无言委神祇而贊化凡分職共理於靈祠福
地則承流宣化於壯縣名藩害益謙賞善
罰惡凡有吉凶之兆皆能影響之隨以今崇
神行道請法衆等運茲初捨上香願此香煙
供養

太上三尊諸天上帝以是功德上祝

神位伏願真乘頓悟道果彌高真神福之無
窮昇仙階之上品然後福流國祚保佑帝國
四海晏清八方寧靖今故燒香自皈依
道尊大聖衆至真之德得道之後昇入無形
和與道合真
臣聞秘言傳世即為衆妙之門大道無形常

寓經綸之旨教法本同一理賢愚自異兩途苟能靜慮以研機乃可因心而會道以今崇神行道請法衆等運茲三檢上者願此香煙供養

璇霄列聖紫極高真以是功德上祝

神位伏願靈通益顯神武維揚微稱廟食而永昌仙職丹臺而高證然後流恩幽趣賜澤陰關凡居控行之滯魂速遂超昇於仙界今故燒香自皈依

經尊大聖衆至真之德得道之後昇入無形和與道合真

臣聞開導群生演先天之教典根元萬善義當主於師尊證入之妙已達乎先帝夷之風有傳於後春茲信士欽乃善功以今崇神行道請法衆等運茲三檢上香願此香煙供養嶽瀆帝主地水仙衆以是功德歸流醮主其家伏願恩休廣被災沓潛消世襲科名床滿崔琳之芴家傳孝行完盈郭巨之金經記者則貨財有餘在公者王事皆吉福如川至壽與萬高十日雨而五日風民有秋成之望三

年耕而九年蓄世無憾歲之憂比屋無虞并屢康又今故燒香自皈依師尊大聖衆至真之德得道之後昇入無形和與道合真

重稱法位

具位且其等謹重誠上啓

三清上帝十極高真日帝月皇南宸北斗三官五帝四聖真仙演教傳經歷代師真聖衆鄴都嶽瀆憲府洞天水國雷司城隍温部當境廟往應感一切衆真咸望洪慈洞昭謝悃臣聞三天十極惟列聖之攸居九州八紘有神祇而主宰蓋以帝御九重之宣命使其神維四海以舒張是以天與神為用者若水濟舟神與人交孚者如谷應響民仍禍福則神目擊雷崇起災祥則天監昭彰或佐國以興功或為民而除害木馬有流汗之異金雞有唱曉之期銅梁玉壘之殊功汶水珠江之盛事況以天不降其大任地豈得乎太寧山川隆不裂之基人鬼兩不傷之理此皆神道之臣衛致令民命以恬安醮主其素欽奉於神

靈每興修於禴祭未盡虔恭之禮常懷兢惕之憂慮招瀆侮之殃難致安榮之喜用是恭依妙典肅建蘭場列蘋蕡縹緇之儀肅心腹肺腸之請仰靈光而設醮對神御以宣揚願回不測之威靈俯鑒再三之懇禱伏冀五星

循度躋年穀之屢豐三階太平俾雨暘之時若民拱北辰之德政士窺東壁之文章商賈趨天市之垣仕進躡文昌之府農夫播種願賜豐穰媪婦養桑悉加元行更冀食狼掃跡天狗回頭萬里妖氛挽天河而一洗千靈垂

脫整其柄以重張次乞郡縣肅清萬境寧靜里閭亡水火之患方隅除疫癘之災和氣充盈太平交享盡荷裁成之化俱蒙再造之恩上明

神君汪洋之德下副兆民皈依之忱謹啓以聞

十二願

復鑑

謹攝香官使者左右龍虎君侍香諸靈官當令臣向來行道之所自然生金液丹碧芝英

百靈聚會交會在此香火鑪前當願十方仙童玉女按侍蘭煙傳臣向來所啓之誠速達徑御

至真無極大道

昊天玉皇上帝 御前

出堂頌

出戶

道門科範大全集卷之八十六

道門科範大全集卷之八十七

靈寶崇神大醮儀

設醮行道

法事陞壇如常

各禮師存念如法

宣衛靈呪

五星列照 煥明五方 水星却災 木德致昌 榮感消禍 太白辟兵 鎮星四據 家國利亨 名列玉簡 字錄帝房 乘蹕散景 飛騰太空 出入冥無 遊宴十方 五雲浮蓋 招神攝風 役使萬靈 上衛仙翁 與道合真

鳴法鼓二十四通

發鑪

無上三天玄元始三炁太上道君太上老君 召出臣身中三五功曹左右官使者左右捧香驛龍騎吏侍香金童傳言散花玉女五帝直符直日香官合三十六人出出者嚴裝顯服冠帶垂纓關啓玄壇土地方域神真巨今靜夜行道謹奏為宣其諸情悃已錄告聞願得太上十方至真道炁靈寶瑞光下降流

入臣身中令臣所啓速達徑御

太上無極大道

昊天金闕玉皇上帝 御前

請稱法位

具位 臣某某等謹虔誠上啟

三清上帝十極高真日帝月皇南辰北斗三官五帝四聖真仙演教傳經歷代師真聖眾 鄩都撒瀆憲府洞天水國雷司城隍溫部當境廟杜應感一切衆真咸望洪慈洞昭丹懇 伏聞天道香冥惟德是輔神明正直與人相 依敬洗滌於凡心用感通於明德真靈如在 精爽必申恭惟 神位護國庇民除害興利名刊祀典煥若列 星欣逢消吉之辰恭展肅香之薦與情共慶 庶類咸熙幸垂矜鑒之符少副勤劬之請

降聖 初獻 散花

臣謹同誠上啟

三清上帝十極高真離筵證盟一切真宰願 啟洪慈洞回清鑑伏聞惟神善貸救人而無 棄人至聖弗居不德是以有德以凡求聖則